



**SCOLA
LUMNEZIA**

365.00

Reglament davart auters gis da scola specials ed occurrenzas

<i>Decisiun</i>	<i>vigur</i>	<i>versiun.</i>	<i>midada</i>
01-09-2016	01-08-2017	1.1	niev
19-06-2024	01-08-2024	2.1	rev.



Reglament davart auters gis da scola specials ed occurenzas

Relaschaus dil Cussegl da scola, ils 01-09-2016, revidius ils 19-06-2024.

Las indicaziuns da persunas, funcziuns e professiuns serefereschon ad omisduas schlatteinas, aschi lunsch ch'ei seresulta buca enzatgei auter ord il senn da quest reglament.

I. Emprem e davos gi da scola

Art. 1 Emprem gi da scola

1. La scola entscheiva per tuttas partiziuns cun in'occurrenza communabla nua ch'era geniturs ed interessai san separticipar. Per ordinari ha quella liug en halla a Vella.
2. In representant dil cussegl da scola drezza entgins plaids als presents.

Art. 2 Davos gi da scola

1. Igl onn da scola finescha per tuttas partiziuns cun in'occurrenza communabla nua ch'era geniturs ed interessai san separticipar. Per ordinari ha quella liug en halla a Vella.
1. In representant dil cussegl da scola drezza entgins plaids als presents.

II. Rimnada da pupi e cartun

Art. 3 General

1. La rimnada da pupi e cartun ha liug duas gadas ad onn, per ordinari la gievgia avonmiezgi avon las vacanzas da primavera ed avon quellas d'atun.
2. Il secretariat da scola fixescha ils datums da rimnada ed ei responsabels per l'organisaziun.
3. Ils scolars e las PI dallas classa 5.-9. meinan atras la rimnada. Ils scolars rimnan per regla el vischinadi ch'els habiteschan.
4. Il gudogn schuber dalla rimnada vegn repartius denter la primara e la superiura ulivamein. (miez e miez).

III. Lavur cumina

Art. 4 General

1. Lavur cumina per la vischnaunca ni in'otra cooperaziun ei pusseivla. Per ina tala lavur drova ei adina il consentiment dalla direcziun da scola.
2. Engaschis per lavur cumina astgan cuzzar max. 2 gis in vid l'auter. Per onn sa mintga partiziu/classa impunder max. 3 gis per far lavur cumina.
3. Ils cuosts da transport el liug da lavur ed anavos surpranda la scola sch'el sa buca vegnir organisaus autruisa.

Art. 5 Organisaziun

1. La PI responsabla organisescha tut quei che stat en connex cun la lavur cumina (informaziuns, transports, midadas d'urari, etc.) en coordinaziun cun la direcziun da scola. Per



transports che san vegnir fatgs cun AutoDaPosta els cuors ordinaris, sa vegnir empüstau sil pli tard 1 jamna ordavon in bigliet special sul secretariat da scola.

2. L'informaziun als scolars ed als geniturs succeda baul avunda, cunzun sch'ei setracta da midadas d'urari. (turnar pli tard, mezs gis ch'ils scolars han buca scola tenor urari, etc.)

Art. 6 Indemnisaziun

1. L'indemnisaziun per la lavur va cumpleinamein ella cassa da scola.

Art. 7 Cumbinaziuns da classa – cooperaziuns cun autras scolas

1. Cumbinaziuns da classa sco era cooperaziuns cun autras scolas ein pussevlas sche quei fa senn.

Art. 8 Temps/cuoz per lavur cumina

1. Per ordinari valan ils temps d'instrucziun. Cun informaziun corrispundenta dils geniturs e cun l'organisaziun dils transports necessaris eis ei denton era pusseivel da partir pli baul e turnar pli tard. Ei drova il consentiment dalla direcziun da scola.

Art. 9 Accumpignament

1. Tut las classas/partiziuns vegnan adina accumpignadas da sil pli pauc duas persunas. Per regla ei quei duas PI. Ei quei buca pusseivel sa era ina tiarza persuna surprendre quei pensum. En gliez cass drova ei il consentiment dalla direcziun da scola.

IV. Usits

Art. 10 Buania

1. Igl usit da Buania vegn tgiraus dalla 5./6.clasa. Ils detagls ein reglai ellas directivas per igl usit da Buania 366.10.

Art. 11 Vendita da pigneuls

1. La davosa classa dil scalem superiur meina atras la rimnada e la vendita da pigneuls en coordinaziun cul cautechic dalla vischnaunca.
2. Ina PI da classa dalla 3RS surprenda la responsabladad per l'organisaziun.

Art. 12 Sera da producziun

1. Il scalem superiur organisescha mintga 3 onns ina sera da producziun. Per l'organisaziun sa la direcziun da scola installar ina gruppa d'organisaziun da 3 PI. Ils scolars duein vegnir integrai commensuradamein ell'organisaziun.

Art. 13 Fiasta da Nadal scoletta e scola primara

1. Il davos gi da scola avon las vacanzas da Nadal fa mintga partiziun ina pintga fiasta da Nadal. Quella sa haver liug en classa, en pliras partiziuns ni per tuts comunablamein.

Art. 14 Fiasta da Nadal scola superiura

1. La 3RS cun lur PI da classa organiseschan mintg'onni ina digna fiasta da Nadal pil scalem superiur. Quella ha per regla liug il davos gi da scola avon las vacanzas da Nadal.



V. Determinaziuns finalas

Art. 15 Vigur

1. Quest reglament entra en vigur cun l'approbaziun entras il Cussegl da scola suenter la consultaziun dil team dallas persunas d'instrucziun e vala cun l'entschatta digl onn da scola 2024/25.
2. Cun l'entrada en vigur da quest reglament ein las disposiziuns d'auters decrets che stattan en cuntradicziun cun quel abrogadas.

La presidenta:

Elisabeth Lorez

Igl actuar:

Gion Casanova